

Verðákvæði 2. kafla. Tengigjöld verða þannig:

1	2		3	4		Tengi- gjald kr.
	Málstraumur stofnvara í			Flutningsgeta skv. stærð stofnvara eða spennis	Tengigjald skv. jöfnu $g = 3600 + 130 \times \text{kVA}$	
Gjald- skrár- liður	220 V kerfi A	380 V kerfi A		kVA	g	
T1	2x 60	1x 60	0.22x 60 =	13	5 360	176 880
T2	3x 60		0.38x 60 =	22	6 570	216 810
T3	3x100	3x 60	0.38x100 =	38	8 730	288 090
T4		3x100	0.66x100 =	66	12 510	412 830
T5	3x200		0.38x200 =	76	13 860	457 380
T6	3x350	3x200	0.66x200 =	132	21 420	706 860
T7		3x350	0.66x350 =	231	34 780	1 147 740
T8				300	44 100	1 455 300
T9				500	71 100	2 346 300
T10				800	111 600	3 682 800

Önnur gjöld skv. gjaldskránni breytast í samræmi við framangreint verð á gjaldstigi.

Gjaldskrárbreyting þessi staðfestist hér með skv. Vatnalögum nr. 15, 20. júní 1923 og Orkulögum nr. 58, 29. apríl 1967 til þess að öðlast þegar gildi.

Iðnaðarráðuneytið, 3. mars 1980.

F. h. r.

Páll Flygenring.

Kristmundur Halldórsson.

7. mars 1980.

Nr. 163.

G J A L D S K R Á

Rafveitu Sauðárkróks.

I. RAFORKA

Rafveita Sauðárkróks selur raforku á þann hátt og við því verði sem hér segir:

Taxti A—1.	Orka til almennrar lýsingar	kr.	88.90 á kWst.
	Mælaleiga samkv. kafla II.		
A—2.	Orka til lýsingar þar sem ekki verður mælingu við komið (lágmark 2 kW)	—	118 914.00 árskW
Taxti B—1.	Orka til almennrar heimilisnotkunar, svo og til sjúkrahúsa, vistheimila, hótela og hliðstæðra stofnana	kr.	40.60 á kWst.
	Lágmarksgjald	—	607.00 á mán.
	Leiga af mælum ekki tekin.		
Taxti C—1.	Orka til véla og mannvirkjagerða	kr.	88.90 á kWst.
	Mælaleiga samkv. kafla II.		
C—2.	Orka samkv. 15 mín. meðalafismælingu ..	—	13.26 á kWst.
	+ aflgjald (lágmark 20 kW)	—	53 755.00 árskW
	Mælaleiga samkv. kafla II.		
	Ef ekki er unnt að mæla notað afl, miðast aflgjald við málraun véla.		

Taxti D—1. Hitun:

Orka til húshitunar, roftími 2x1.5 klst. á dag án söluskatts	kr.	9.60 á kWst.
Mælaleiga samkv. kafla II.		
D—2. Önnur hitanotkun, roftími 2x1.5 klst. á dag	—	13.54 á kWst.
Mælaleiga samkv. kafla II.		
D—3. Orka til næturhitunar, eða hliðstæðra nota, roftími allt að 13 klst. á sólarhring	—	10.49 á kWst.
Mælaleiga samkv. kafla II.		

Um framangreinda hitagjaldskrárliði gilda eftirfarandi ákvæði:

Minnsta ársnotkun sé 6 000 kWst.

Önnur skilyrði fyrir raforkusölu til hitunar:

- Að vélaafl, línur og spennar þoli álagið.
- Að notandi kosti tengingu klukkurofa, sem rafveitan leggur til, og greiði leigu af þeim samkv. reglum, sem gilda um mæla.
- Að hitatæki, lagnir og búnaður sé samkv. fyrirmælum rafveitunnar, ofnar og önnur hitatæki fasttengd.

II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverja veitu, og er ákvörðun sú skuldbindandi fyrir notandann, sem skal greiða leigu sem hér segir:

- Af einfasa mælum 30 amp. og minna kr. 202.00 á mán.
- Af þrifasa mælum 50 amp. og minna — 340.00 á mán.
- Af þrifasa mælum 50—100 amp. — 474.00 á mán.

Af öðrum mælitækjum en þeim, sem nefnd eru í skránni, skal ársleigan vera sem næst 20% af verði mælitækjanna. Leigan skal innheimt um leið og gjald fyrir raforku.

III. HEIMTAUGAGJÖLD

Heimtaugargjald skal greitt samkvæmt eftirfarandi töflu. Fari lengd jarðstrengsheimtaugar fram úr 15 m skal greitt yfirlengdargjald eins og taflan sýnir:

Málstraumur stofnvara	Lágmark kr.	Jarðstrengur Yfirlengd kr./m
63 A 1-fasa	203 681.00	6 533.00
63 A 3-fasa	241 687.00	6 533.00
100 A 3-fasa	314 486.00	8 923.00
125 A 3-fasa	393 675.00	9 973.00
200 A 3-fasa	615 227.00	13 531.00
300 A 3-fasa	888 739.00	24 488.00

Stærri heimtaugar svo og bráðabirgðaheimtaugar greiðist skv. kostnaði.

Af loftlínuheimtaug reiknast gjald, sem er 20% lægra en að framan greinir, fyrir heimtaug allt að 40 m. Það, sem þar fer fram yfir greiðist samkv. kostnaði.

Lengd jarðlínuheimtaugar 60—200 A reiknast frá stystu greiðfærri leið að lóðarmörkum. Lengd stærri jarðlínuheimtauga reiknast frá varkassa að rofalinudreifistöð.

Yfirlengd reiknast ekki af vegalengd, sem er umfram 100 m frá varkassa. Sé nauðsynlegt eða hagkvæmara að setja spennistöð að mestu eða öllu leyti, fyrir einn notanda, skal hann leggja til lóð eða húsnæði fyrir spennistöðina, eftir því sem hagkvæmara þykir að dómi Rafveitu Sauðárkróks.

Þegar lóð er lögð til, er það gert Rafveitunni að kostnaðarlausu og hlíta þer skilmálum hennar um stærð og staðsetningu stöðvarinnar. Þegar húsnæði fyrir spennistöð er lagt til, t. d. innan þess húsrýmis er umsækjandi hefur til umráða, svo sem í fiskverkunarhúsum, fiskimjölsbræðslum, iðnaðarhúsnæði, verslunarhúsnæði o. s. frv. skal staðsetning þess ákveðin með samþykki Rafveitunnar í hverju tilviki og skal húsnæðisaðstaðan fullnægja þeim kröfum sem gerðar eru um húsnæði til þessara nota. Húsnæðið — uppsteypt hús — er lagt Rafveitunni til að kostnaðarlausu, en hún sér um allan kostnað við fullnaðarfrágang húsnæðisins eftir nánara samkomulagi þar um, hverju sinni.

Óski húseigandi eftir, að heimtaug verði breytt úr 1-fasa heimtaug eða flutningsgeta jarðstrengsheimtaugar verði aukin, skal hann greiða fyrir breytingarnar samkv. kostnaði, þó aldrei minna en mismun á heimtaugargjaldi samkvæmt gjaldskrá.

Gjaldskrá þessi gildir í skipulögðum hverfum innan lögsagnarumdæmis Sauðárkróksbæjar. Sé um óskipulagt svæði að ræða, eða aðstæður óvenjulegar, er heimilt að krefjast sérstaks aukagjalds af húseiganda eða gera honum að greiða fyrir heimtaugina samkvæmt kostnaði, en gera skal honum aðvart um það fyrirfram.

IV. OPNUNARGJÖLD

1. Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veituna, skal taka gjald fyrir enduropnun kr. 2 724.00.
2. Ef fundin er við skoðun óleyfileg eða of stór vör, skal veitunni lokað tafarlaust, og verður hún eigi opnuð aftur fyrr en notandi hefur greitt kr. 2 724.00 gjald á skrifstofu Rafveitunnar.

Söluskattur 22% auk 19% verðjöfnunargjalds, til Rafmagnsveitna ríkisins og Orkubús Vestfjarða, samtals 41%, er talin með í upphæð gjalda þeirra sem um ræðir í I. kafla gjaldskrár þessarar, nema á taxta D—1.

Gjaldskrá þessi, sem sett er samkvæmt vatnalögum nr. 15 20. júní 1923 og orkulögum nr. 58 29. apríl 1967, staðfestist hér með til að öðlast gildi 1. febrúar 1980, sbr. auglýsingu nr. 87/1980 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis.

Iðnaðarráðuneytið, 7. mars 1980.

F. h. r.

Páll Flygenring.

Kristmundur Halldórsson.